



New Generation steelband jrs den pleno preparacion pa carnaval



ORANJESTAD - E steelband aki a wordo lanta pa Ricky Figaroa na aña 2007. Na comienso el a cum-

The Music Box
Pa bo Musica
di Carnavalesco,
Reggae, T-shirt
y hopi accesorio mas!
Tel: 582-4329
Royal Plaza Mall
Local 105



insa cu hobennan, pero e problema ta cu e mucha nan ta bay afo pa studia y cada biaha nan ta busca y train mucha nobo. Aña pasa nan a dicidi di cuminsa cu e mucha nan mas chikito y a hasta participa pa prome biaha cu nan na parada di mucha.

E aña aki ta bay ta di 2 aña cu nan ta bay participa den parada di mucha, unda cu nan ta bayendo tur 3 parada di mucha. E steelband na e momento aki ta consisti di mas o menos 20 mucha. E edad ta varia entre 7 pa 17 aña. Tanto

mucha muhe como mucha homber. Mirando cu cada bes tin mas mucha ta acerca pa participa Ricky a dicidi di bay cu un trailer mas grandi e aña aki. Trabounan ta bayendo den full swing riba e trailer y ta trahando tur dia pa logra e meta aki.

Tambe e mucha nan ta practicando tur dia pa asina nan por logra nan meta. Berdad esaki algo agradabel di mira cu dianan ta yegando y nan ta train tur dia, pero na mes momento e mucha nan ta yega training yen di energia y

gana pa siña mas di e musica. Na e momento aki ya tin lista di espera pa mucha nan cu kier train. Esaki ta debi cu practicamente tur trabou, material y gasto ta cay bou di

Ricky mes y no tin suficiente material pa por laga e mucha nan practica.

E aña aki Ricky a haya un sosten grandi di su primo Tony kende a mira e bon causa y a dicidi di yuda tambe. E motibo mas grandi pakico ta haci esaki ta pa por mantene e musica di steelband bibo y ta kere cu por logra esaki door di laga e mucha nan lanta den dje. E intencion ta pa despues di carnaval pa por sigui cu e training por lo menos 2 biaha pa siman y no pa haci esaki unicamente den temporada di carnaval.

A papia cu Dylan Tromp kende tambe a caba di join TNGS Jrs. y e ta splica cu e

ta haya esaki un experiencia unico y fantastico. Mirando cu e ta tocando drum caba y esaki ta pone cu pe ta mas facil pa siña toca. Den 1 siman ya el a logra capta e ritmo di steelpan, pero e tin yen di entusiasmo pa e dia nan di parada yega.

Pa Ricky mes musica di steelband ta algo cu e kier specialisa su mes mas aden y tambe kier bay afo y haya mas training y asina por duna miho guia na nos muchanan. Na mes momento ta pidi si tin hende of compania nan cu kier yuda of contribui di un of otro forma pa tuma contacto cu Ricky Figaroa na 562-1101 of Tony Frans na 594-7971.